

61740/p

ORATIO

IN

Theatro Sheldoniano

Habita Idibus *Aprilis*, MDCCXLIX.

Die DEDICATIONIS

BIBLIOTHECÆ *RADCLIVIANÆ*.

A GUILIELMO LEWIS M. D.

Ædis Christi Alumno.

EDITIO SECUNDA.

OXONI,

E THEATRO SHELDONIANO,

Impensis JACOBI FLETCHER, Bibliopol. OXON.

MDCCXLIX.

Imprimatur,

J. PURNELL,

Vice-Can. Oxon.

Maii 1. 1749.

347850





NOBILISSIMIS & ILLUSTRISSIMIS.

V I R I S,

CAROLO Duci de *Beaufort*,

EDVARDO Comiti de *Oxford & Mortimer*,

GUALTERO WAGSTAFF BAGOT *Baronetto*,

WATKIN WILLIAMS WYNN *Baronetto*,

EDVARDO SMYTH *Armigero*,

JOHANNIS RADCLIVII M. D.

Testamenti Curatoribus ;

Hanc ORATIONEM

Eâ, quâ par est, Observantiâ,

D. D.

Guilielmus Lewis.



Digitized by the Internet Archive
in 2018 with funding from
Wellcome Library

<https://archive.org/details/b30347270>



ORATIO

Habita in THEATRO, &c.



I quid unquam, *Academici*, de literis, de fortunis nostris gloriari nobis licuerit; si quid unquam reipublicæ nostræ felix faustumque acciderit; solennem hujusce diei celebritatem maximis certè nostris gratulationibus fas erit longissimè anteponere. Nunquam enim liberiùs, nunquam animo magis alacri, nunquam altiori voce

A

feli-

felicitatem nostram possumus prædicare, quàm ubi magni illius viri, ad cujus præconia confluit celeberrimus hic illustrium virorum cœtus, benignitatem erga nos, amorem, munificentiam commemoramus. Quin & imprimis mihi gratulandum jure esse existimo, quòd, apud amplissimum hunc confessum dicturo, ea oblata sit materies, quæ cum per universam hanc *Academiam* novum lætitiæ lumen diffundit, tum ad medicam artem profitentes, ad ipsam medicinam, plurimum affert dignitatis & splendoris.

QUAMVIS autem insolitus hic dicendi locus, & augustissima ex omni libera-
lium

lium ordine frequentia timorem aliquem mihi possent incutere; cùm tamen in illustrissimos illos viros oculos conjicio, qui famæ nostræ ac gloriæ nondum se satis consuluisse rati sunt, nisi hodiernam hanc solennitatem præsentia suâ honestarent; animosior illicò factus sum, & quasi stimulos quosdam mihi subditos sentio, ad exprimendam divinam illam, quam in animo jam diu insculptam habui, *Radclivii* imaginem.

MAGNO nomini assurgimus omnes, & benefactorem nostrum veneramur. Quantum enim amplissimis, quantum etiam regiis suis fundatoribus; tantum clarissimo huic viro, huic medicorum

principi, debet, & in æternum est debitura, gratissima hæc *Acadcmia*.

UT enim pio & singulari quodam in almam suam matrem amore erat affectus, ita per totum vitæ auspicatissimæ cursum, nullum unquam, quo vel famam vel dignitatem ejus excolere posset, atque augere, studium omittebat. Quicquid enim illi apud principes ubique viros erat gratiæ, quicquid favoris, quicquid etiam amicitiae, id omne ad nos transferebat; quin & eò usque processit effusa illius benevolentia, ut imensos eos divitiarum cumulos, quos in felicissimâ medicæ artis exercitatione guttatim undique collegerat, in *Athe-*
nas

nas nostras pleno imbre dmitteret. Nolebat enim vir ille humanissimus fortunas suas privatis tantùm utilitatibus inservire; nolebat liberalitatis suæ fontem, propinquorum gratiâ, clausum fore aliquando atque obstructum; sed, ut omnibus prodesset, ut toti humano generi latices præberet, ad nos & posteros nostros manare, atque affatim defluere jubebat.

Ex variâ autem & multiplici *Radclivii* nostri munificentia, nihil certe prius postulant augustissimi illius manes, nihil avidissima jam omnium expectatio magis efflagitat, quàm ut stupendam hanc sub vestris, viri honoratissimi, auspiciis,
nobis

nobis jam tandem & universo literato orbi patefactam, *Bibliothecam* celeberrimus. Divinum fane opus! Cujus eximiam pulchritudinem, magnificentiam, stabilitatem, æquè ac fundatoris sui gloriam, in perpetuum duraturam, non possumus sine summâ admiratione contemplari. Quantum sibi gratularetur *Bodleius*, quantum ille, in cujus ædem splendidissimam hodiè jam convenimus, *Sheldonus* noster, si novum hoc literarum domicilium possent intueri. Quo gaudio, quâ animi lætitiâ perfunderentur venerabiles illi senes, si post tot annos aliud tandem sensissent, suâ famâ gloriâque accensum, ad musarum hanc sedem illustrandam, lumen excitari.

S E D

S E D ad generosum *Radclivii* pectus inflammandum, non opus erat his tantis antecessorum suorum incitamentis: satis illi fuisset infita ista & propria animi magnitudo, cujus vi atque impulsu cuncta sua consilia atque opera constanter dirigebat. Hinc illa omnis in nos beneficentia; hinc illa in cœlum usque assurgens moles: quam, velut ingenii sui simulachrum quoddam, splendidam, illustrem, omni ex parte perfectam atque absolutam, nobis reliquit, in uberius rei literariæ subsidium, & perpetuum artis medicæ ornamentum.

ARTIS autem medicæ ornamentum erit perpetuum, ipsum *Radclivii* nomen,

men, quod vigeat memoriâ sæculo-
rum omnium, quod ætas remotissima
semper intuebitur. Erat, *Academici*,
vir ille præstantissimus, ex universis ho-
minum sententiis, artis suæ peritiâ ad-
eò clarus & insignis, ut cæteris omni-
bus palmam faciliè præripuerit; utcun-
que enim de illustri in re medicâ victo-
riâ alii inter se acriter certabant, illi
uni nemo lites movebat; satis sibi quis-
que gloriæ fore existimabat, si in se-
cundis posset consistere, cùm ad illum
primas singuli ultro deferrebant. Erat
enim ille eximiis iis & perquàm raris
ingenii dotibus instructus, ut naturâ ip-
sâ ad medendum paratissimus esse vide-
retur. Erat animo acri, acuto, perspi-
caci

caci præditus, qui in intima humani corporis penetralia introspicere; latentium morborum sedes perscrutari; causas illorum eruere; veras denique & proprias singulorum notas mirâ sagacitate accuratè poterat internoscere. Quo igitur quisque ordine cursum suum ingressurus esset, qui processus, quique exitus futurus, tanquam è speculâ prospiciens, pretiosissimæ mortalium salutis sedulò invigilabat. Nunquam enim ab hoste falli, nunquam incautum sese opprimi patiebatur: sed in omnia promptus & paratus, prout variæ miserorum necessitudines postulabant, diversa sua præsidia felicissimè dirigebat. Et, ut optimè expertus fuerat, quantum vel

B

pro-

proprio suo Marte ipsa valeret natura, ita illam in omnibus semper ducem sequi; illam intueri; incitatum nimis reprimere; jacentem erigere; salutare illius motus officiosâ sedulitate nunquam impedire, sed ad eos adjuvandos totum animum, totam artis suæ vim intendere solebat. Neque, uti plerumque fit, sumptuosâ quâdam medicaminum farragine nauseantes ægrorum stomachos pessimè onerabat: sed, ut in consiliis fidus, in judiciis certus, ita in remediis simplex erat & concinnus; in id scilicet strenuè usque incumbens, ut non *tutò*, non *citò* solùm, sed *jucundè* etiam cunctis salutem daret.

ILLUM

ILLUM igitur anxii quærebant omnes; in illo omnium spes; illum veluti numen quoddam, à cuius ore fata sua pendebant, omnes intuebantur. Quin & in hodiernâ hâc frequentia plurimi sint fortasse, qui divinâ illius operâ etiamnum vivunt. Vereor equidem illorum auribus injuriam me multam attulisse, quòd rudiori calamo *Æsculapii* sui laudes adumbrare conatus sim. O si ille adestet, quem ad eundem medicinæ apicem evectum hæc jactat *Academia*, & diu jactet; qui illustrissimi hujus viri non conspectu solùm, sed quotidiano ferè congressu, sed mutuo, sed familiarissimo sæpè colloquio fruebatur: ille, ut intimum nostri mecænatis

pectus penitùs cognoverat, ita verissimam ejus imaginem vobis posset ante oculos collocare. In hâc unicâ tamen re minùs foret idoneus; ita enim eadem ipfi est & artis scientia & nominis celebritas, ut, si vivis coloribus illius virtutes vellet describere, non posset quin pingeret suas.

Nos autem, qui à *Radclivii* splendore remotissimi, in umbrâ quasi fumus, ad eximia ejus merita, quæ fando solùm accepimus, non possumus pro dignitate dicendo fatis assurgere: quâ igitur ratione, cùm verbis ea prædicare non possumus, factis unquam attingere licebit? imitari tamen licebit; sequi illum, quamquam

quam longo sequi intervallo, non erit inglorium.

EN ! signum nobis bene sperandi sublatum ! En ! maxima in omne ævum rem medicam exercentibus porrecta præmia ! non enim familiam suam deseruit medicinæ parens, sed ipse heu ! mortalis artem suam diuturnam reddidit, & quâ licuit, immortalem. Quid enim illustrius, quid nomine suo dignius, quid ad ornandam illam, cujus ipse princeps erat, scientiam utilius, vel fingi, vel excogitari potuit, quàm amplissimum illud & verè regium, quod filiis suis medicis hæreditario quasi jure reliquit, patrimonium. Novit enim vir
ille

ille sagacissimus quàm aspera quàmque
 difficilis medentibus esset calcanda via;
 quæ nisi timidis juniorum animis strata
 quodammodo foret & munita, vel artis
 honos languesceret, vel ad eam probè
 & honestè exercendam apta defutura
 essent subsidia: novit prætereà, imò
 experienciâ suâ magistrâ optimè novit,
 quòd, si quis è medicorum grege elevari
 unquam, & in optimo Dæ salutis tem-
 plo eminentiæ aliquid sperare audeat;
 eum non in arctis *Academiæ* finibus
 includi semper; non domi se quotidie
 continentem, immani quâdam & super-
 vacaneâ librorum copiâ obrui; sed libe-
 ro & erecto esse animo; sed ingenio
 culto diu atque exercitato esse oport-
 teat:

teat: ut non vanâ opinione, non levi & futili conjecturâ, sed certâ, sed indubitâtâ experientiæ fide medici nomen mereri disceret.

Ex hâc igitur umbratili vitâ in pulverem atque solem filios suos evocari jussit; maximo rerum usu, & diversorum hominum notitiâ instruxit; ut animi illorum jam sensim dilatati, ea tandem possent fovere femina, quæ ad uberrimum medicinæ fructum, ad salutem humani generis aliquando redundarent. Intueri igitur liceat illos, quibus hoc gloriæ iter auspicari feliciter contigerit, ad omnem scientiæ oram delatos, quicquid ad artem suam ampliandam

sciri

sciri discive potest, id domi, foris, à suis, ab exteris carpentes undique & colligentes; & tandem post varias terras & longè diffitas regiones curiosè & sollicitè lustratas, copias suas, fluviorum instar, in patriam, veluti oceanum, cumulatiùs refundentes.

AT te, vir beatissime, ob ingentia hæc in nos collata beneficia, quibus laudibus efferemus? quo amore complectemur? quibus studiis prosequemur? parietes hi, ut mihi videntur, tibi gratias agere gestiunt: universa hæc *Academia*, tui causâ jam undique congregata, te patronum, te optimum suum mecænatem uno ore agnoscit & confitetur. Vehementiori

hementiori tamen præ cæteris gaudio exultat medicorum chorus omnis, ob splendidum hoc à te relictum patrimonium, nominis scilicet tui gloriam, atque artis suæ dignitatem.

DIGNITATEM igitur hanc, vos medicæ scientiæ professores appello, tanquam Palladium ad nos cœlitùs delapsum, ne unquam violare audeamus; sed puram atque integram ultimis nepotibus fideliter transmittamus. Ad clarissimi illius viri imaginem, cujus auspiciis jam utimur, intenti usque suspiciamus; & nihil existimatione nostrâ indignum, nihil illiberale, nihil fordium, nihil gratiæ quorundam captandæ

causâ subdolum & astutum, vel nosmet
faciamus, vel ab aliis factum patiamur.

IGNOSCITE, oro, auditores illustrissi-
mi, si argumenti hujusce vi abrepta,
de cursu suo destinato longiùs fuerit
evagata hæc nostra oratio. Vela jam
lubenter contraho; &, quod exigit officii
mei ratio, celeberrimæ huic *Bibliothecæ*,
quæ cæteris *Radclivii* beneficiis cumu-
lus accessit, gloriam & decus voveo
sempiternum. Neque hanc diu finet,
quamvis splendide & magnifice exstru-
ctam, literarum tamen adminiculis de-
stitutam, nudam quasi & inermem stare
fundator suus munificentissimus: sed,
ut fœcundam semper omnigenæ doctri-
næ

næ præberet segetem, & ipse annuis eam nummorum proventibus ditavit, & plurimos erga illam, ni vanus augur, mecænates exemplo suo incensos quotannis excitabit.

VIDERE enim videor in ædem hanc, tanquam *Æsculapii* templum, pretiosissimam undique transferri librorum suppellectilem: omnes omnium gentium viri eruditissimi intra hæc mœnia dona sua gratulabundi mox deponent: quin posterius etiam, uti confidentiùs sperare audeo, quicquid elegantioris doctrinæ habeant, quicquid in scientiis reconditum, læti huc, velut in commune quoddam literarum domicilium, certatim conferent.

HAUD parùm igitur nobis erubescendum erit, *Academici*, si templo huic immortali aliquam dedecoris notam culpâ nostrâ affigi finamus: quin potius, ut recenti quotidie splendore enitescat, summâ ope nitamur. Hodierna hæc celebritas, quæ novam & inopinam quandam lucem reipublicæ nostræ affudit, novos etiam animis nostris stimulos subiciat; erigat nos pulcherrimi hujus ædificii, quod musis jam faustè & feliciter dicamus, contemplatio; incendat *Radclivii* nostri gloria; sin fortiora adhuc ad rectè sentiendum, ad præclarè agendum nobis defuerint incitamenta, in viros illos præclarissimos, quos præfentes jam intuemur, oculos animosque

conver-

convertamus: qui nec celsissimæ generis sui nobilitati, neque nominis splendori injurium fore existimant, si in *Togatorum* turbam dignentur descendere, & lucem suam *Academiæ* umbrâ obscurari patiantur.

LICEAT igitur tandem, viri plurimum colendi, egregia illa, quæ à vobis accepimus, beneficia coram amplissimâ hâc literati orbis frequentia, palam profiteri. Liceat tandem vobis, pro acerrimis iis atque iteratis studiis, quibus res nostras sedulò procurâstis, publicas has & solennes referre gratias; quæ quamvis tantæ esse nequeant, quantæ vestris debentur meritis; habendæ sunt

eæ

eæ tamen, quas animi nostri capere pos-
 sunt maximas. Vestris enim indefessis
 laboribus liberalissimum fundatoris no-
 stri munus quodammodo liceat acce-
 ptum referre. Vestris nimirum curis,
 vestræ prudentissimæ administrationi,
 ingens hoc opus, eximiâ non minùs arte,
 quàm magnitudine conspicuum, tam ci-
 tò, tam feliciter jam ad exitum perdu-
 ctum, in totum esse tribuendum universi
 censemus. Hæccine unquam oblivione
 obrui? Hæccine animis nostris elabi pos-
 sunt? Imò quamdiu literis justus ma-
 nebit honos; quamdiu musis & musa-
 rum fautoribus prisca sua constabit glo-
 ria; tamdiu cunctis innotescet, quan-
 tum famæ, dignitatis, amplitudinis ve-
 stro

stro patrocínio atque amicitiae debemus. Jucundissimum etiam erit, hodiernam hanc in nos collatam gratiam per universum orbem scriptis propagare; ut, ubicunque annales nostri legentur, ibidem possit, vestri erga rempublicam nostram favoris atque indulgentiae, perpetuum aliquod monumentum extare.

INSIGNIS igitur illa benevolentia, studium, praesidium, quibus nos, nostrasque *Athenas* amplecti diu & sustinere non estis dedignati, eadem usque apud vos maneant, & ad illustrissimas vestras familias, quas bono omine ad vota precesque omnium nuperrimè jam auctas gratulamur, perpetim descendant.

IN

IN æternum sic durabit *Academiæ*
nostræ fama stabilis atque inconcussa ;
nec, nisi cum *Radclivii* gloriâ, cum im-
mensâ hujus *Bibliothecæ* mole, unquam
peritura.

F I N I S.

